

月燈三昧經卷第

鞠三

高齊天竺三藏法師那連提耶舍譯

爾時世尊告月光童子言童子是菩薩摩訶
 薩於是顯說三昧智應善修習為人顯示童
 子云何顯示所謂於一切法起平等心無有
 彼此無有分別無無分別無造無起無生無
 滅一切妄想分別憶想起想皆悉斷除心所
 攀緣意所思作及諸假名皆亦斷除亦斷一
 切諸惡覺觀於陰界入無有自性斷貪瞋癡
 謂念慧解脫慙愧堅固修行儀式所應行處
 謂空閑地智慧地絕於去來一切菩薩所學
 一切如來行處一切功德成就童子是謂顯
 說如是三昧若能顯說如是三昧便不離諸
 定其心不失一切三昧無有迷惑起大悲心
 利益無量無邊衆生爾時世尊即於是時而
 說偈言
 平等非險地 微寂難可見 斷除一切想
 故名爲三昧 非妄想分別 離見不可取

鞠三

七

其心不可得	是名爲三昧	止住如實定
不取一切法	如實不取故	故說寂滅定
法無少塵許	亦無少可得	無少可得故
故名爲三昧	有得無得者	此名爲妄想
於法離分別	故名爲三昧	以聲故說義
是聲事非有	猶如響呼聲	又亦如虛空
衆生無所住	住處不可得	得與不得音
自性不可得	若去若墮落	去道不可得
去與不去音	於道如是知	存有定是取
存無定亦然	無著行菩提	證聖道亦爾
離險平等地	是定慧無相	佛子修習此
善修定相應	非文字所能	入是深義趣
捨諸語言事	得定無所取	得此定菩薩
如說相應住	設火焚世界	於中不被燒
無量劫火起	如空本不然	若知法如空
是人火不燒	若燒佛刹時	在定作是願
滅彼火無餘	人及地不毀	彼神足無邊
遊空無罣礙	隨學定而住	菩薩獲是德

若生若退沒 無起亦無滅
 得此定不難 世間有生滅
 若能知此定 當知是世親
 世法不能礙 身若無礙者
 常見於淨土 及見世導師
 在諸刹演說 彼不起無知

若能如是知 如來之所說
 於世間不染 能往諸佛刹
 彼得聞正法 而說法性時
 超過於戲論 樂無戲論法
 諸法無相故 智知唯音聲
 無盡勝寂滅 無功用不見
 實際無家宅 從諸佛修學
 學是佛功德 到功德彼岸
 本際無分別 是故一切佛
 於未來不去 已知法性故
 到功德彼岸 無功用戲論

能通達諸法 如隨於法性
 辯才而不斷 能變作多身
 變化諸菩薩 往遊諸佛刹
 加跌而安坐 顯示佛菩提
 并餘億諸經 修習寂定故
 餘不思議人 莫能盡其辯

於億劫演說 其餘諸菩薩
 千葉蓮華上 摠持修多羅
 唯除不退轉 顯示佛菩提
 提世尊我復樂說如來我復樂說善逝我欲
 說三昧能修學者速得阿耨多羅三藐三菩

乘重閣而去 種種寶嚴飾
 氛馥甚可樂 散布諸末香
 或散無量寶 為於菩提故
 如是無量德 斷除諸煩惱
 不起於煩惱 清淨甚光耀
 是菩薩境界 寂靜深寂靜

布散諸妙華 并燒勝妙香
 菩薩救濟者 獲得勝神足
 無為不可壞 離惱無煩惱
 見生為老病死遍 貪瞋癡等常迷惑
 佛本為發菩提心 願成正覺解眾縛

鞠三

八

善哉無量劫修行
持戒忍辱勤精進
以無憐望棄王位
頭目手足及壽命
禁戒皎然淨無垢
善能禁制身口意

鞠三

安住智鑽忍力中
以慈血變流出乳
成就於力住十力
佛以悲愍於世間
已知一切法體空
悟道契會性無我

遠離煩惱及放逸
知道無垢無礙智
假使虛空星宿落
虛空無為性變異
見於苦惱諸衆生
為彼顯示離取著

住檀調柔護諸過
善修禪定及智慧
妻子寶貨悉能捨
其心初無有疲厭
捐棄身命常護持
歸命善逝調心者

九

設使剗身無忿怒
歸命如來甚奇特
以無量智擇諸法
救濟利益諸異趣
見諸世間悉虛妄
知彼解脫無所脫

降伏魔力及軍衆
說寂無礙清淨法
地海城邑悉壞滅
如來終無不實語
安住取著分別中
所謂甚深寂滅空

不可思議無數劫
修學一切無著已
佛所修學一切法
此非愚癡凡夫地
心常安住於我想
若能善知無我法

大雄勇猛久已學
是故佛無諸過失
如所得法為他說
又非一切諸外道
是名過失諸凡夫
無有一切諸過失

大雄所出真實語
安住如是實法已
過去曾修真實行
獲得真實妙果報
具足所行真實行
如是所修真實行

恒常安住於實法
復能演說於實語
乃能稱述於本願
是以能說真實語
善能學於真實際
歸命人尊大智慧

其智最勝無倫匹
究竟到於勝智慧
能與衆生作親友
善能安住而不動
天人所師備廣德
善逝甚深勝智慧

智慧具足甚光明
歸命智慧言說者
久遠修習慈悲心
不動猶如須彌山
教誡大衆羣生類
處衆無畏而震吼

如是無畏師子吼 如師子王威雄猛

降伏一切諸外道 猶如師子摧野干

大雄善能降不調 所調復能善調御

能令成就為善友 安住堅固而不壞

見彼苦惱諸眾生 最極依止於我見

為其演暢無我法 無有貪愛及不愛

不學愚癡凡夫人 依止險難不善徑

為彼顯示真實道 所謂趣向涅槃路

若有取著我想者 彼即住於極苦惱

以其不解無我法 謂能滅除苦惱處

不可思議劫數中 大智久已曾修學

修學遠離取著已 是故無有諸過惡

演說離過諸法句 卅尊遠離於諸過

善說真實微妙語 口能解脫百種畏

無量那由百千億 天龍夜叉住虛空

愛樂無上最聖法 聞者靡不合真義

如來善美歡喜語 溫潤合時稱悅意

和合無量微妙音 憐愍解脫無數人

妓樂音聲百千種 一時奏擊相和合

悉是天中悅樂聲 如來一音能映蔽

迦陵頻伽諸鳥眾 同時共發微妙聲

能令他人欣樂 於佛音聲非少分

擊發歡喜之音樂 善合一切諸管絃

吹貝鼓笛琴箏篪 於佛音聲悉不現

緊那羅王歌舞音 已曾善學百千樂

若得聞者咸歡喜 於佛音聲悉不現

拘翅鸚鵡舍利聲 孔雀哀鸞鴛鴦等

所有一切美音鳥 於佛音聲悉不現

可愛悅樂美妙音 世間所有善歌詠

悉來集聚同時發 佛聲最勝殊過彼

諸天夜叉脩羅王 三界所有羣生類

其中最勝上妙身 佛放一光悉映蔽

如來色身如華數 一切相好以嚴飾

出生福果甚清淨 光明顯照於十方

鼗鼓螺鼓箏篪音 銅鈸笙簫美妙聲

如是諸音相和合 百分不及佛一音

軋闍脩羅摩睺等
夜叉所有美妙聲
井及三界諸妙音
於佛百分不及一
梵天所有諸光明
及諸有頂天身光
世尊若放一光明
餘光百分不及一
身口意業皆清淨
布施淨故世不染
功德寶聚人中王
自然功德無等等

讚歎十力實語已
童子歡喜作是言
以我供養佛法王
願此福成釋迦文
佛知彼勝最淨行
善逝于時起微笑
彌勒觀笑而請問
唯願人尊說笑緣
其時大地六種動
天龍歡喜住虛空
欣悅瞻仰兩足尊
請為我說笑因緣

諸佛智慧所了知
非佛弟子聲聞地
今欲安誰最勝道
唯願憐愍為我說
唯除慈悲牟尼尊
一切世間無堪者
堪能授於法王位
願為授於菩提記
我今善問世導師
釋迦牛王大威德
已度智慧光明岸
除斷貪瞋癡穢過

不可思議恒沙億
導師爾所劫修行
為求勝妙菩提行
為何因緣而現笑
能捨自身手足等
妻子眷屬餘親愛
常能修行是勝行
是故我問牟尼尊
象馬車乘及牛羊
奴婢摩尼真珠金
不見所有諸珍物
行菩提時而不捨

其智最勝悉顯現
知諸衆生之所行
心信性欲已善知
願說何緣而現笑
誰曾供養人中尊
誰復今成廣大利
誰能受行佛所行
為誰而能現此笑
其地于時六種動
億妙蓮華從地出
其華光耀具億葉
金色熾盛甚可愛

勸三

十二

何

佛子處彼蓮華上
菩薩第一大神足
無量法師而雲集
是以我作如是問
擊鼓鳴鐃吹貝音
妓樂億數如恒沙
如是等輩諸音樂
佛聲於中最殊妙
拘翅頻伽鵝鶴等
衆鳥一時而雲集
俱時各出美妙音
於佛音聲非其比

誰往行檀持禁戒 無量億劫而修習
 誰復供養人中尊 牟尼為誰而現笑
 誰昔起大恭敬心 已曾請問兩足尊
 何因緣故得菩提 而今便現是笑耶
 所有過去十力尊 及今現在未來世
 天人導師悉了知 是故我問人中塔
 能知眾生心次第 於其神足而不減
 又知眾生心所樂 是故我問牟尼師
 修行無上最勝行 因相應法已善學
 佛菩提道云何得 是故我問兩足尊
 諸法微細難可見 空寂難稱不思議
 修行十力之所行 是以我問世大師
 若能善修慈悲心 於不思議眾生所
 常不起諸眾思想 是故我問兩足尊
 所行境界難思議 於其邊底不可得
 已能度於心境界 是故我問兩足尊
 布施持戒已究竟 智者明淨了三世
 遠離一切諸過惡 為何義故現是笑

鞠三

十二

舍利目連居律多 及諸如來餘弟子
 非是彼等所行地 唯佛境界最無上
 於一切法到彼岸 諸有所學已究竟
 導師起發大悲愍 宣暢微妙第一音
 過去無量僧祇劫 亦曾問於如是義
 得為救世之親尊 今既證果為我說
 夜叉羅刹龍槃荼 瞻仰兩足最勝尊
 一切恭敬合掌住 咸疑世尊何緣笑
 多菩薩眾悉雲集 具足神通多億刹
 如來心生最長子 一切恭敬而合掌
 世尊導師非無緣 最勝丈夫而現笑
 微妙語言鼓音聲 以何因緣而現笑
 香象菩薩東方來 從彼阿閼佛世界
 那由菩薩眾圍遶 為問釋迦故來此
 又復安樂妙世界 觀音菩薩大勢至
 那由菩薩眾圍遶 來問兩足釋師子
 過去無量億佛所 供養無邊諸如來
 猶如大海中沙數 為行無上勝菩提

一切諸佛所嗟歎
十方世界悉聞知
遊行那由他佛刹
佛子功德已善學
根器最勝餘更無
能持一切佛法藏

於菩薩德已究竟
文殊師利住合掌
如是勝徒難可見
一切合掌恭敬住
如是調伏柔軟者
願為宣說和潤語

世尊導師非無緣
微妙鼓音願演說
拘翅鴈鶴鵝孔雀
願出天樂美妙音
善集慈悲離諸過
顯真實義離文字

最勝丈夫而現笑
以何因緣而現笑
雷霆牛王聲震吼
唯願演說增樂語
智慧現前斷愚癡
於百千劫已修持

決定空寂知諸有
能壞一切外道智
諸佛修行百千行
百千諸天咸讚歎
夜叉羅刹等淨心
口常宣說無滯礙

顯示苦滅諸句義
空無衆生及壽命
百千種福而莊嚴
百千諸梵亦復然
摩睺金翅龍欣喜
淨妙業果之所起

鞠三

十四

所有諸佛滅度者
一切了知無障礙
大海大地及諸山
諸天脩羅龍摩睺
斷除貪瞋及憎慢
寂靜音聲稱無想

及今現在未來世
從諸功德之所生
一切咸皆六種動
散諸上妙勝香華
尸羅心意悉清淨
大聖如是師子吼

具足辯才廣名稱
世間無等亦無過
拘翅類伽及孔雀
一時共發甚可愛
大鼓金鉦及諸鼗
千種音樂俱時作

於眼於法善平等
唯願大悲說笑義
命命等鳥妙音聲
於佛少音非為譬
螺貝蕭竽琴箏篪
於佛少音非為譬

諸天千種美音樂
衆集相和生人愛
救世導師以一音
一切皆謂佛為已
諸天及龍妙音聲
是等不能滅煩惱

及諸天女妙歌聲
於佛少音非為譬
隨信種種發異解
願大沙門說笑緣
迦樓軋闍毗舍闍
唯佛音聲能斷除

雖復起愛心無染
 能生智慧離愚癡
 佛音不出於衆外
 於其音聲無高下
 假使三千界散壞
 日月可今墜落地

勸三

十五

語言清淨六十種
 如來梵言願為說
 一切三有羣生類
 過去現在及未來
 所有如來大悲者
 如來淨月圓滿面

爾時世尊即於是時以其偈頌答彌勒菩薩
 摩訶薩曰

如是月光童子者
 如是讚歎如來已
 昔日於此王舍城
 於彼佛所常請問

修行善提道行時
 常能具足無礙辯
 彼人末代可怖時
 一切時中住梵行
 若欲求是勝三昧
 無量億佛所攝受

我住智中故記說
 末代世時無障礙
 知於千億諸如來
 又復過彼恒沙數
 諸天及龍有八億
 未來供養兩足尊

得聞如是授記已
 月光踊身七多樹
 嗚呼佛說最無上
 安住決定勝智故
 遠離二邊論解脫
 於三界中智無礙

一切戲論而不染
善修於道無所依
又於三界無所依
愛縛枝蔓悉捨離
悟解非有自體性
於其顛倒無智者

鞠三

諸見覺觀悉斷除
不為他壞不違他
斷除諸結所行淨
諸有相續皆盡滅
離言說法悉了知
如師子吼摧野干

十六

佛今為現妙法藏
斷除一切諸惡趣
百福金色莊嚴手
對於天人大眾前
我念過去修行時
時有比丘甚聰敏

我今獲得妙寶聚
我今得佛定無疑
願此寶掌摩我頂
唯願人尊灌我頂
於師子幢佛法中
名曰賢施為法師

我作王子名點慧
時彼賢施為我師
五百良醫無減少
彼悉不能除我病
是時大師聞我患
賢施即生悲愍心

身遇病苦甚困篤
柔輒淳直備儒德
咸皆盡來為我治
親戚眷屬懷憂惱
便至我所而慰問
而為我說是三昧

我得聞此三昧已
了知諸法體性故
比丘行於菩提行
我昔點慧王子時
以是因緣故童子
能忍罵詈毀辱等

不顧財寶心愛樂
其時病苦即除愈
得成佛道号然燈
以此三昧除苦惱
我憶是事今付汝
受持讀誦如是定

末世比丘有無量
堅著衣鉢樂為惡
嫉妬輕躁縱諸根
常依出入息利活
舒手展足奢縱誕
伴黨掉臂隨路行

放逸毀禁多慳恪
於是三昧起誹謗
止住俗家為貪利
是等當謗此三昧
趨步言笑自顧影
若入聚落現異相

鞠三

十七

如是不應儀式人
於彼色聲常愛著
心常貪嗜於美食
販賣貿易恒窺利
廣貯積聚飲食已
專事墾植及耕田

晝夜繫心在童女
遊行村邑現是儀
戲笑歌舞及音樂
喜樂飲醪及乘騎
命終墜墮三惡道
保翫自己所住處

受他教命傳書信	棄捨禁戒及威儀
親近白衣違佛教	毀被禁戒住惡道
常作佛不讚歎業	所謂斗秤諸欺誑
造作如是諸惡行	以此惡行墮惡道
多饒財寶珠金貝	棄捨親愛而出家
不能安住淨戒聚	還為販肆作鄙業
牛馬雄雌相孚乳	唯恃財穀為勝想
何為出家除鬚髮	而不護戒及儀式
我於過去行菩提	於千劫中修苦行
為求如是寂滅定	愚人聞之生嗤笑
行非梵行喜妄語	常貪利養趣惡道
披梵行服為標幟	毀戒謗定言非法
彼此遞互相破壞	不能應法求利養
各欲共相求短失	命終墮於三惡趣
百千人中難得一	謂能住於忍辱者
朋黨鬪諍無量人	棄捨忍辱恒忿競
咸自稱歎是菩薩	欲望聲流遍諸國
若得虛名自欣慶	尚無善行何況道

我曾不聞亦不見	無有淨行欲樂者
誹謗此法無欣慕	而能獲得菩提道
為不活故多出家	不求一切佛菩提
愚人安住我見中	聞說無我便驚怖
彼此更互恒諍論	我慢自舉相越懷
自稱已是說他非	常行不善妄歡喜
成就淨戒諸功德	安住慈心行忍辱
調伏柔輒淳善者	是等善人為彼欺
若有當來起惡心	極甚抵突為不善
喜樂鬪諍行非法	是等爾時得供養
我今善相勸告汝	汝當於我生淨信
於此如來所說教	彼惡人輩勿親近
於極貪愛及重瞋	多愚癡人憍慢者
無慙無愧心不調	汝於彼速起忍力
我今所說無量德	比丘於此不安住
非但口言得菩提	要須堅固行者得

十八末

月燈三昧經卷第三

鞠三

險地上虛捨反阻 氛伏香氣也 疲音勞也
 鏗俱猛也 剗鳥官反 徑古定反 笛徒的也 笙空上音
 鏗尺也 鏞尺也 鏡尺也 貝音 雷疾下音 悞昏音 鵝音
 鷓音 鷓音 鷓音 鷓音 鷓音 鷓音 鷓音 鷓音 鷓音 鷓音

筑謂之筑亦十三絃古有漸 涸音 縱也 掉臂 嗜音
 販音 貿易音 斗音 規音 墾音
 幟音 遞音 突音 標音

月燈三昧經卷第四

高齊天竺三藏法師那連提耶舍譯

爾時婆伽婆在大眾中示教利喜已即從座起出王舍城詣耆闍崛山敷座而坐諸比丘眾及諸天龍夜叉乳闍婆阿脩羅迦樓羅緊那羅摩睺羅伽前後圍遶

乙

仲文刊

磧砂大藏經

月燈三昧經

卍

第三二册

爾時月光童子八百億人若天龍八部諸鬼神等及餘世界十那由他諸菩薩眾持諸寶鬘塗香末香衣服旛華種種音樂建立幢蓋懸諸繒旛出王舍城向耆闍崛山詣如來所頭面禮足遶無量而以已所持華香衣服寶蓋幢旛擊諸音樂設大供養設供養已曲躬

恭敬為問法故却坐一面

爾時月光童子作如是言我於如來應供正遍知欲有所問惟願聽許

爾時世尊告童子言如來應正遍知隨汝所欲恣汝問之汝所問者則能利益無量眾生吾當為汝分別解說令汝心喜

爾時月光童子既蒙聽許即白佛言菩薩摩訶薩成就幾法能得如是一切諸法體性平等無戲論三昧

爾時佛告月光童子言菩薩摩訶薩成就四法能得如是一切諸法體性平等無戲論三昧何等為四一者善學柔軟同住安隱到調